

ՂՈՌՈՔՈՒԴԱ.– Զաջ Նազա՞ր...Ղոռոբուղա՞, քա՛նջ Նազա՞ր...Ղոռոնթի, քա՛նջ Նազա՞ր, հո՛, հո՛, հո՛, հո՛, (հսկայաբար ծիծաղում է: Ծիծաղում են եւ միւսները մինչեւ տնքալը:)

ՏԵՐՏԵՐ.– Դուք ծիծաղում եք, օրհնեալներ, բայց Զաջ Նազարը գերի է արել մեր աշխարհքը: Ջարդում է ու ջարդում:

ԽՈՉԵՆԻ.– Հա՛, հա՛, հա՛, հա՛...

ՂՈՌՈՔՈՒԴԱ.– Հո՛, հո՛, հո՛, հո՛...

ՂԱՌԱՂՈՒԴԱ.– Հի՛, հի՛, հի՛, ո՞նց է ջարդում: Հըա՛մ:

ՏԵՐՏԵՐ.– Ձեզ համար հեշտ է, բայց մեղ համար դժվար է. օրհնեալներ:

ՂՈՌՈՔՈՒԴԱ.– Հա՛ն, էդ մեկը դորթ է, հըա՛մմ...

ՏԵՐՏԵՐ.– Աւելի դժուար է հոգեւորներիս համար: Զանի որ աշխարհքիս մեղքը մենք ենք բառնում:

ԽՈՉԵՆԻ.– (Կիսովին վեր է կենում ու ժպտալով եւ հետաքրքիր մօտենում է տէրտէրին եւ բռնելով նրա միրուքի ծայրից՝ շոշափում է) Ես ի՞նչ է:

ՏԵՐՏԵՐ.– Միրուքս է, օրհնեալ:

ԽՈՉԵՆԻ.– Ինչի՞ տուր:

ՏԵՐՏԵՐ.– Նուազ ենք, քիչ ենք ուտում:

ԽՈՉԵՆԻ.– Վոռաա՞յ քիչ եք ուտո՞ւմ, խեղճ: (Միրուքը բռնած դեւ-դեն է քաշում տէրտէրին:)

ՏԵՐՏԵՐ.– (Խեղճ ու լացակումած ձայնով:) Այո, օրհնեալ, մենք աստուծո փոխանորդն ենք: Զիչ ենք ուտում, որ եթէ աշխարհքիս բեռը շալակներիս բարձրանանք երկինք, աստծո մօտ՝ թեթել լինենք: Այո՛, մենք աշխարհքի ծառաներն ենք: Աղետ է լինում՝ աղօթում ենք, եւ դրա փոխարեն մի քիչ ցորեն, մի քիչ իւղ ենք հաւաքում եւ համեստ ապրում: Իսկ երբ աշխարհքում ջարդ է լինում՝ լաց ենք լինում այսպէս: (Լաց լինելով) Մեա՛նահ

ՂՈՌՈՔՈՒԴԱ.– Լա՞ւ մարդիկ եք դուք...

ՏԵՐՏԵՐ.– Այո, օրհնեալ, լաւ մարդիկ ենք:

ՂՈՌՈՔՈՒԴԱ.– Ապա էդ Զաաջ Նաազաարը ինչի՞ է ջարդում ձեզ: Հըա՛մ:

ՏԵՐՏԵՐ.– Մեզ շատ չի ջարդում: Հսկաներին է ջարդում:

ՂՈՌՈՔՈՒԴԱ.– Բոո՞...

ՏԵՐՏԵՐ.– Մին զարկում է, հազար ջարդում:

ՂՈՌՈՔՈՒԴԱ.– Բո՛, ո՞նց թէ...